

discipulorum suorum ꝛ. 25. Unser herre der begienc uil manic zeichen uor sinen iungeren, diu elliv niht gescriben sint. 26. nu ist auer ditz zeichen unt diu rede darumbe also gescriben, daz ir daz warez scult gelovben |||

XXV.

1. phahent sin heiligez gebet da vnt bringent daz hin ze himele fur den almahtigen got. 2. *Si quis autem ex uobis errauerit a ueritate* ꝛ. 3. Uon diu scult ir uil gerne iwers gebetes phlegen uil emjclichen, paidiv, umbe ivch selben unt ovch umbe alle die heilige xp̄nhait, unt scult den tumben wifen mit leren, unt den fundare uon sine unrehte becheren. 4. want darumbe uergît iv unser herre got alle iwer funde, vnt gît iv den ewigen lip. 5. den gebiv der ware gotes sun dvrch finer genaden willen. AMEN.

XXVI.

Lucas ¹⁾).

Siquis uestrum habebit amicum, et ibit ad illum media nocte et dicet illi: amice, commoda mihi tres panes, quoniam amicus meus uenit de uia ad me, et non habeo, quod ponam ante illum.

1. Uns scribt hiute der guote s. Lucas an dem heiligen ewangelio, wie unsern herren sine iunger ²⁾ paten, daz er si in gebet lert, wie si beten scolten. 2. do lert er si den heiligen *pater noster*, unt do er si den gelerte,

XXVI. ¹⁾ Lies: Secundum Lucam. Die Hs. hat aus Mangel an Platz bloß Lvc̄.

²⁾ Die Hs. iungere; aber das letzte e hat oben und unten einen Punkt, ist also ausgestrichen.

do sprach er diu wort dar nach, div wir hiute lesen an dem hailigen ampt.

3. Swelher iwer, sprach er, einen friunt hete, unt chom er hin ze des huose ³⁾ umb eine mittenacht, unt chlophete an def tur, unt spräche ⁴⁾: "friunt, stant uf, unt entlihen ⁵⁾ mir drier brote; want mir ist ein min frivnt chomen ab der straße, unt enhan im niht ze geben"; 4. So sprichet vil lihte der iwer frivnt, uor def tur in da stet: *Noli mihi molestus esse; iam ostium clausum est, et pueri mei mecum sunt in cubili; non possum surgere et dare tibi.* 5. Nu ne mue mich niht; want min tur diu ist beslozen, vnt pin, baidiv, ich selbe vnt ovch miniv chint, in miner reste; ich ne mac niht uf gestên vnt enmac dir niht gelihen. 6. So sagich iv, sprichet unser herre, unt enwil der iwer friunt umbe daz niht uf sten, daz er iwer friunt ist, chlophet et ⁶⁾ in denne staticlichen da ze finer tur; er muoz uf sten ze iungest durch daz, daz ir im ungemach tuot, vnt muoz iv geben, def ir in da bitet. 7. Also sage ich iv, sprichet unser herre, pitet ir, iv wirt gegeben; suochet ir, ir uindet; chlophet ir, iv wirt uf getan. 8. want swer pitet, dem gît man; vnt swer suochet, der uindet; vnt swer chlophet, dem wirt uf getan. 9. Mit der rede, m. f. l., hat iv unser herre wol erzait, daz er wil, daz ir in staticlichen vnt zallen citen piten || sculeu ⁷⁾. 10. want der friunt, hinz des tur ir umbe mitenaht chomen scult, daz ist er selbe.

³⁾ Hs. hufe.

⁴⁾ Hs. sp^wche, man kann es also auch spräche auflösen.

⁵⁾ So die Hs.; lies entlih.

⁶⁾ Dieses in der Hs. stehende et, anderwärts ot, ist wohl so Biel, als das süddeutsche **halt**.

⁷⁾ Lies sculet; das dreimal vorhergehende en veranlassete diesen Schreibfehler.

11. want diu naht diu bezeichent die manicvalten angeft unt arbeit dirre werlt. 12. Div driu brot, daz ift der vater unt der fun unt der heilige geift, der ivch da troften vnt frovwen fol, paidiu, ze difem libe unt ze dem ewigen libe. 13. Der iwer uriunt, der iv uon der ftraße muoder chomen ift, unt den ir felbe niht beruochen muoget, daz ift daz, swenne ir iwer leben anfehent werdet, unt ivh iwer funde geriwent; 14. want da ne muget ir denne niht uone chomen an unferf herren hilfe, so fcult ir chlophen an fine tur.

15. Div tur, daz ift daz heilige gotef wort unt diu heilige fcrift. div rativ daz, fwenn ir unfern herren vnt fine gnade fuochen unt uinden welt, daz ir aller erift paidiu mit pihte unt mit buoße unt mit aller flachte guotate iwer herße erfuoert ⁸⁾ vnt errainet uor ⁹⁾ aller der achufte dirre werlt; fo muget ir wol biten aller iwer notdurfte. 16. fo ne fcult ovch ir denne uon dem gebet unt uon dem fuochen unt uon dem chlophen niemer mere chomen, unze daz er iv uf tuo | die ture finer barmunge unt iv gebe den ewigen lip.

17. Uvie dirre heilige tac der criftenheit gefet;et wrde ze buoße ir funden unt fur die angeft def gahen todes, daz fcult ir uernemen. 18. wand fich zeinen citen die lute wider unferen herren got uerworht heten mit ir tagelichen funden; fo uerhancte unser herre im felben des, daz er finen zorn fur fin barmde uber die lute cherte, daz im felben doch widerwartic ift. 19. want div heilige fcrift diu fprichet: *Mifericordia et ueritas precedent faciem tuam*; daz chuit: div erbarmide unt diu warhait fculen dinem anlutze uorgen. 20. Daz gefcach also ¹⁰⁾:

⁸⁾ Hf. erfühert.

⁹⁾ Ließ voll.

¹⁰⁾ über die hier folgende Überschwemmung und Seüche zu Rom fehe man

ze rome in der stat flüzet ein wazere, heizet div tyuer; daz het sich so sere enchozen ¹¹⁾ unt sinen runst so gar uerlossen, daz ez daz alte gemuore ¹²⁾ allez nider geworfen hete. **21.** Uz dem gemure ¹³⁾ erspult ez eiterigef gewrmes ain michel chraft; daz fuort ez allez in daz mere. **22.** Do daz gewrme in dem mere ertranc, unt iz daz mere nach siner nature uz gewarf; do wart nach dem stanche des ungewrmes, daz da ertrunchen was, sich der luft uerwertet ¹⁴⁾. **23.** unt uon dem nebele, ||| der doch in dem selben lante emzic ist, so wart der sterbe uon den luten also groze, daz si ane zal, iunge unt alte, hine uielen unt sturben. **24.** unt, also der wiffage sprichet: *A sanctuario meo incipite*, ze minem heiligen stuole da vahet an; so begunde der selbe sterbe da ze dem babest ¹⁵⁾ sich anegengen, daz der zem ersten starp, vnt da nach div werlt ane zal.

25. Do genamen si uon der bewifunge des heiligen geistes den heiligen man s. GREGORIUM, unt satzeten den an den stuol. **26.** der gefatzete do fur die angeft des gahen todes dise cruce tracht, also wir si hiut begen, vnt scuof sibem scar der lute mit dem cruce: die phafen besunder, die munichen besunder, die nunden besunder, die laien besunder, die gehiten frowen besunder, die witewen besunder, die maide besunder. **27.** Do si chomen hin ze dem munster, da si daz heilige ampt begen scolten, unter der predige, do si der heilige babest scunte, daz si

Schröckh's Kirchengeschichte XVII. 256. und 257., Fr. Schnurrer's Chronik der Seuchen I. 150. und Gregor. Tur. hist. Franc. X. 1. p. 479. Sie eräugnete sich im November d. J. 589.

¹¹⁾ Pies engozzen.

¹²⁾ Hf. gemüre.

¹³⁾ Hf. gemüre (ohne o).

¹⁴⁾ Das vorausgehende sich ist wohl zu streichen.

¹⁵⁾ Papst Pelagius, am Anfange d. J. 590.

mit andahtigem herzen der gotes gnaden gerten, vnt finer barmunge uber sich selben unt uber alle die heilige xp̄n-hait; 28. do sturtzeten allen gahes | ah̄ic mennisc¹⁶⁾ enfamt fur sine woze¹⁷⁾ unt sturben in dem munster. Do uiel der heilige babest mit samt den luten an sin antlutze fur den almahtigen got, vnt erwaruin antlaz uone gote. 29. unt do er sich uf gerihte, do sach er sten uf dem dietriches huose¹⁸⁾ einen engel mit pluotigem swerte; der wiskete daz selbe swert durch sinen geren. 30. Do uerstuont sich der heilige man, daz der ewige uater siner zornes hin ze den liuten erwinden wolte, vnt troster daz liute, unt wrden si uon der angeste des gahen todes erloste; 31. vnt wart diu selbe cruce traht der heiligen xp̄n-hait uf gesetzet iarlichen ze begene fur den gahen tot, vnt swaz so in werrende si ze sele oder ze libe. 32. Nu mane wir ivch des in dem almahtigen gote, also iv daz heilige ewangelium geraten hat, daz ir also pitet, daz iv gegeben werden¹⁹⁾; daz ir also suochet, daz ir uindet; daz ir also chlophet, daz iv uf getan werde div tur des himelriches. 33. dar in muoze ivch der almahtige gote beleiten durch finer genaden willen.

XXVII.

In inuentione s. crvcis.

*Hoc signum crucis erit in celo, dum dominus ad iu ||
dicandum uenerit.*

I. Wande wir hiut begen die gehugede unt den tac

¹⁶⁾ So die Hs.; wir erwarten menniscen.

¹⁷⁾ Hs. wze; lies vuoze oder fuoze, Füße.

¹⁸⁾ Aus Baronius (ad a. 590. n. 13. pag. 7. tom. VIII. ed. colon.) wissen wir, daß dieses Dietrichshaus die moles Adriani (das Grabmahl Hadrians) war. An demselben ließ sich unter den Bittgängen ein Engel blicken; späterhin ward es in die Engelsburg umgewandelt.

¹⁹⁾ Lies werde.